

آیه‌الله سبحانی: دینه مخالف اولان نظریه نقدسيز تدريس اولماسين / علمين قاپيسيني باغلاماق ايسته‌ميروق

آیه‌الله سبحانی علمری اسلامی ائله‌ماغین قاپیلاری باغلاماق معنا سیندا اولمادیغینی دئماغینان تأکید ائله‌دی: دین مبنالاری این مخالف اولان نظریه، دانشگاهین درس‌لرینه نقدسيز قویولمامالیدیر.

آیه‌الله سبحانی علمری اسلامی ائله‌ماغین قاپیلاری باغلاماق معنا سیندا اولمادیغینی دئماغینان تأکید ائله‌دی: دین مبنالاری این مخالف اولان نظریه، دانشگاهین درس‌لرینه نقدسيز قویولمامالیدیر.

مهرین وئردیغی خبره گۆره، دانشگاهلار و انسانی علملرین اسلامی‌لشماغی این مخالف بایندا بیر سئری نظرلر منتشر اولور. تهران دانشگاهی تقلید مرجعی اولان آیه‌الله سبحانی این دانشگاهلارین و انسانی علملرین اسلامی‌لشمه‌سی و بعضی‌لرین بونان مخالفتی باره‌ده دانیش آپاریب و مهرین اختیاریندا قویوب. آیه‌الله سبحانی‌نین جواپینی آشاغیدا اوخویا بیلرسيز:

دینی و فرهنگی مسأله‌لره عنایتیزه گۆره سیزدن تشکر ائدیرم. دانشگاهلارین اسلامی اولماق مسأله‌سینی امام خمینی (ره) مطرح ائله‌دیلر. منظور، دانشگاه محیطینده اسلامی ارزشلرین مختلف زاویه‌لرده حاکم اولماسیدیر. دانشگاه محیطی علمی و دینی محیط اولسون. آله‌الله‌مه‌میش دانشگاه حاکم اولان شرایط، اسلام ضابطه‌لری این مخالف اولماسین، چونکی اسلاما گۆره تعلیم و تربیتین هدفی، ایلاهی انسانلارین تربیتیدیر. اسلام پیغمبری‌نین بعثت هدفی فضیلتلر و اخلاق مکارمی‌نین تکمیل‌لشمه‌سیدیر. قرآندا اوخویوروق اقرأ باسم ربک، علم و تعلیم جهتلی اولمالیدیر و اونون جهتی ربین آدی و تعال الله توجه ائله‌ماقدیر. مسلماً دانشگاه درس اوخوموشلاری، عالم، معهد و جماعت و مسلمانلار خدمتینده اولسالار، هم اؤزلری سعادت چاتارلار و هم اؤلکه و جماعتین استقلالی تأمین اولار. نتیجه‌ده اولار بوتون دانشگاهلارا الگو اولارلار.

انسانی علمری اسلامی ائله‌ماق قاپیلاری آیری دوشونجه‌لره باغلاماق معنا سیندا دئییل

آما انسانی علمری اسلامی ائله‌ماق، البته دنیا عالملرین بوتون دوشونجه و نظریه‌لرینی قیراغا قویماق و قاپیلاری اؤز اوزوموزه باغلاماق و انسانی علملرین مسأله‌لرینی فقط اسلامی منبعلردن استخراج ائله‌ماق معنا سیندا دئییل. بو تفسیر تماماً اشتباه و بو نظردن دفاع ائله‌یلرین مقصودو دئییل. بلکه هدف بودور کی مدیریت، روانشناسی، جامعه شناسی کیمی بوتون انسانی علملرین ساحه‌سینده دنیا عالملرین دوشونجه و نظریه‌لرینده بهره آپارماغینان، دینین مسلم اصول و مبانی و نظریه‌لری این یوزه یوز مخالف اولسا، نقد معروضینده اولار. البته نقد اولمامیش دانشگاهین درس‌لری سیرا سیندا قویولمایا.

غربی نظریه‌لرین نقدسيز مطرح ائله‌ماغی دوز دئییل

اونو مطرح ائله‌ماق مجبوریتینده اولساق تدريس ائله‌ین اوستاد ائله تحرلی اولمالیدیر کی اونو طرح ائله‌بندن سونرا نقد ائله بیلسین. بئله اولمادیغی تقدیرده بئله‌نچی نظریه‌لرین مطرح نقدسيز طرح اولونماسی اسلامین مطلوبو دئییل و دینی جامعه ده دانشگاهلاردان ایستیر جوانلارین ذهنینی بو غیر صحیح و اسلامی مخالفی اولان نظریه‌لر این دولدورماسین. مطرح اولسا دا نقد این بیریلقدا اولسون. بو نظریه‌لرین کناریندا صحیح و مسلم دینی مبنالارا دایانان نظریه‌لر ده مطرح اولسون.

سؤزون آیدینلاشماسی اوچون نجه مثال وورورام:

1. انسان شناسی مسأله‌سینده و مختلف موضوعلاردا هله ده نواعلر تکاملی و انسانین حیواندان منشق اولماسی داروینیزمین بیان ائله‌دیغی کیمی دانشگاهلاردا تدريس اولور. البته اوندان سونرا آیری نظریه‌لر ده مطرح اولوب. بو موضوعون تدريسی نقدسيز دوزدور؟ بو ثابت اولمایان نظریه‌لری علم بما هو علم آدینا دانشجولارین ذهنین تحمیل ائله‌ماق دوزدور؟ البته بو نظریه‌نی درس‌لردن قیراغا قویماق منظور دئییل بلکه بو نظریه نقد این همراه اولسون. ضمناً اونون کناریندا اسلامین صحیح نظریه‌سی‌ده مطرح اولمالیدیر کی دانشجولار اسلامی باخیشلارینان تانیش اولسونلار.

2. ماوراء طبیعت ایمان و اینانماغین قاینماغی بایندا بعضی روانشناسلار و جامعه شناسلارین ماتریالیزم اساسیندا مطرح اولان غیر صحیح فرضیه‌لری وار. مثلاً فرویدون نظریه‌سی کی انسانین ماوراء طبیعت میلینی جنسی غریزه این توجیه ائلیر. حال بوکی اسلامی فلسفه بو موضوعون ریشه‌سینی کفایت قدر دلیلی اولان فطرت نظریه‌سینه تأکید ائلیر. فرویدون نظریه‌سی و اونون کیمی نظریه‌لری مطرح ائله‌ین اوستادلار اونلاری نقد ائله‌مه‌لیدیلر.

3. اقتصاد ساحه‌سینده ده قضیه منفصله شکلینده ایک نظریه مطرح اولور: بیر دسته منفعتی سرمایه‌نین نتیجه‌سی بیلیرلر و فعال عامل اوچون اصلاً سهمه قایل اولماییب و یا آز سهم وئریرلر؛ اونون مقابلینده عامل و کارگرین نظریه‌سی مطرح‌دیر که گلیر و سرمایه‌نی کارگرینکی بیلر. بیرینجی نظریه کاپیتالیزم و ایکینجی نظریه سوسیالیزم‌دیر. بیر حالداکی اسلام ثروت یاراتماقدا هر ایکسینه نقش وئریر و مضاربه و مزارعین تصویبی بونا شاهد‌دیر.

البته بیز بو مثال‌لاری تقریب ذهنه گۆره دئدیک یوخسا مسأله بونداندا دریندیر.

آخرده محترم مسئول‌لاردان مخصوصاً رئیس جمهوردان، فرهنگی انقلاب شوراسیندان، انسانی علملر تحوّل شوراسی و دانشگاهلارین معهد اوستادلاریندان ایستیروق بو موضوعا داها آرتیق عنایت‌لری اولسون. حتی بو ایده‌نین تحقق تاپماسی اوچون بو رشته‌لرده نظریه‌لری اولان حوزه اوستادلاری و بؤیوک عالم‌لردن استفاده ائله‌سینلر.

لینک مطلب در سایت : <http://torki.tebyan-tabriz.ir/?MID=21&Type=News&id=1469>